



Musicus

Onderwägs dor s'Läbe

Songtext «Of de Gass»

Instrumental-Part

Strophe: Sie esch no jong, läbt of de Gass.
Gschpört hed sie scho so vell Hass.
Sech scho tuusig Mol verchauft,
ond sech denn ergendwo verschlauft.

Refrain: Met Traum ond Hoffnig esch sie gschartet,
hed fescht vertrout ond Guets erwartet.
Ond denn esch's ganz anderscht cho –
weiss nömm werom, doch gnau no wo.

Instrumental-Part

Strophe: Är hed bis drüeföfzgi schaffet.
S'tued weh, wenn d'Chend hött mängisch gaffed.
Wenn är am Morge früeh vom Bänkli
si Sack ewägg nemmt wie sis Schränkli.

Refrain: Am Tag, wo sini Frau esch gschorbe,
esch's i ehm enne donkel worde.
Ond denn esch's so ganz anderscht cho –
weiss ned werom, doch gnau no wo.

Instrumental-Part

Strophe: Mängs Johr send d'Boni nor so gschprudlet,
bis d'Fusion hed alls verhodlet.
Di blai Schale esch i Schrank,
em blaue Brief e letschte Dank.

Refrain: Är hed de Trett nömm werklech gfonde,
statt z'oberscht obe plötzlech onde.
Ond alls esch so ganz anderscht cho –
weiss gnau werom ond au no wo.

Instrumental-Part
